

Գ. Սահիաճյան

Մ. ՆԱԼԲԱՆԴՅԱՆԻ ՄԱՀՎԱՆ ԱՌԱՋԻՆ ՏԱՐԵԴԱՐՁԻՆ ՆՎԻՐՎԱԾ
ՄԻ ՈՒՇԱԳՐԱՎ ՆԵՐԿԱՅԱՑՄԱՆ ՄԱՍԻՆ

Ինկուլցիոն-դեմոկրատ Մ. Նալբանդյանը խոշոր ազդեցություն է թողել հայ հասարակական մտքի վրա: Յարական ինքնակալության ու սուլթանական բռնապետության դեմ պայքարող հայ ազատատենչ երիտասարդության համար Մ. Նալբանդյանը եղել է պայքարի դրոշմ: Ուշագրավ է այն տեսական, գաղափարական ազդեցությունը, որ նա ունեցել է թյուրքական դաժան կարգերի տակ տառապող հայ ժողովրդի առաջավոր ներկայացուցիչների վրա:

Հայտնի է, որ Նալբանդյանը դեռևս Վճռախոսության էջերից ծանոթ էր Պոլսի առաջավոր հայ ինտելիգենցիային, իսկ Պոլս կատարած երկու ուղևորությունների ընթացքում (1860—1861 թթ.) այն աստիճան մեծացավ նրա համախոհների, համակիրների թիվը, որ ոեակցիոն խավերը երկյուղով էին լսում Նալբանդյանի անուանը:

Թե Նալբանդյանի նկատմամբ ինչպիսի մեծ սեր ու համակրանք է եղել Պոլսի առաջավոր ինտելիգենցիայի շրջանում, և առհասարակ աշխատավոր ժողովրդի մեջ, անգամ հեռավոր գավառներում, երևում է ՎՄԵԳՎԻՁ էջերում հրապարակված հոդվածներից, գավառներից ստացված թղթակցություններից, որոնք տպագրված են ժամանակի պարբերական մամուլում:

Հ. Սվաճյանը Նալբանդյանի ձերբակալության առթիվ գրում էր, որ նրա ձերբակալության լուրը անսահման վիշտ է պատճառում ոչ միայն նրա ծնողներին, եղբայրներին ու քույրերին, այլև ամբողջ հայ ժողովրդին (ՎՄԵԳՎԻՁ):

ՎՄԵԳՎԻՁ-ը որ զինքը և իր գործերն ու վարքը լավ ճանչեցին, կը դողային իր վրա իբրև իրենց աչքին լուսին վրա՞, գրում էր ՎՄԵԳՎԻՁ:

Նալբանդյանին իրենց աչքի լույսի պես սիրող մարդկանց մասին խոսում էր ոչ միայն պրոգրեսիվ մամուլը, այլև ոեակցիոն մամուլը: Լեյդ առթիվ, «Երևակի» գրածներն արդեն հայտնի են Նալբանդյանագիտությունը:

Ո՞ր այլ ոեակցիոն պարբերականի՞ «Լեռնեյան դարի» էջերում էլ մենք հանդիպում ենք տողերի, որոնք վկայում են, թե Նալբանդյանը մտերի՞նքների ինչպիսի լայն շրջանակ է ունեցել:

ՎՄԵԳՎԻՁ-ի «Գարը» Նալբանդյանի «Երկու տող» աշխատության լույս ընծայման առթիվ գրած հոդվածում Նալբանդյանին համարելով քրիստոնեությունից հեռացած, «օտար» գաղափարներ պաշտպանող մի «հեթանոս», «անհավատ» մարդ, իսկ նրա «Երկու տողը» «սադայելական մի աշխատություն», անում է կարևոր խոստովանություններ:

Նախ այդ հոդվածից իմանում ենք, որ «Երկու տողի» լույս ընծայու-

¹ ՎՄԵԳՎԻՁ, 1862, № 20:

մից մի քանի ամիս առաջ Պոլսի ինտելիգենցիան, թե պահպանողականները և թե պրոգրեսիվ մտածողները գիտեին, որ Նալբանդյանը պատրաստում է նման մի աշխատություն, կարծիքներ էին փոխանակում, վիճում։ Ոմանք պատրաստվում էին արժանավայել կերպով ընդունելու այն, ուրիշները պատրաստվում էին քննադատություն հանդես գալու։ «Արևելյան դարը» գրում է. «Ասկե մեկ ու կես ամիս առաջ կերպով մը նախածանոթ իսկ եղյալ էինք, որ ինչպես օր մը դիպվածով ամենուն ծանոթ եղած տեղ մը գտնված ատեննիս, հոն ներկա եղող քանի մը փորձիչ Նալբանդյանացեղ թեմնիք զմեզ ի բնին արկանելու համար հարցուցեր էին մեզի թե արդյոք Պ. Ջամուռնյան պատվելույն դեմ գրություն մը եղած ժամանակ պիտի պաշտպանենք, կամ ընդհակառակը, պիտի պախարակենք զնա... Եվ սակայն այն ատենն ի վեր սաստիկ հետաքրքրված մը կսպասեինք այս բանին գործնականապես հառաջ գալուն»¹։ (Ընդգծումները մերն են.— Գ. Սա.)

Ովքեր են եղել արդյոք «Արևելյան դար» ակնարկած այդ «փորձիչ Նալբանդյանացեղ» մարդիկ, որոնք մտքեր են նախապատրաստել նախքան «Երկու տողի» այնտեղ հասնելը, ագիտացիա են արել նրա օգտին։ Արդյոք նրանք սոսկ Նալբանդյանով հիացողներ են, թե՛ շատ ավելի սերտ կապերով կապված են եղել «Երկու տողի» հեղինակի հետ։ Այս մասին էլ ուշագրավ խոստովանություն ունի «Արևելյան դարը»։ Նա գրում է, որ չնայած «Երկու տողի» ճակատին «Միայնակ Նալբանդյանց հեղինակությունը գրոշմված է, սակայն, եթե անոր խոսքերուն հետադրությամբ ուշագրություն ըլլի, անշուշտ ուրիշ այլևայլ ծածկյալ, բայց ծանոթ անունների ալ իր հետը պիտի տեսնվին»²։

Ապա, ավելի մասնավորացնելով իր խոսքը, «Արևելյան դարը» սերտ կապ է գտնում «Երկու տողի» և «Մեղվի» քարոզած գաղափարների միջև, այն տարբերությունը, որ «Մեղուն» գրում է Պոլսի ոճով, Նալբանդյանցը՝ «Ռուսաստանի ոճով»։

Վերոհիշյալ բոլոր մեջբերումները ցույց են տալիս, թե Նալբանդյանը մտերիմների կամ համակիրների ինչպիսի մեծ շրջանակ ուներ Պոլսում, որոնք նրա բանտարկության ու աքսորի լուրը գիմալորեցին մեծ վշտով³։

Նալբանդյանի ձերբակալության առթիվ Հ. Սյամսյանի գրած հիշյալ հոդվածում ուղղակի կոչ էր արվում վրեժ լուծել, եթե Նալբանդյանը անպարտ չարձակվի։ Հայտնի է նաև, թե Նալբանդյանի մահվան լուրը ինչպիսի անհուն վշտով լսեցին «Մեղվի» շուրջ համախմբված մարդիկ և ինչպիսի սրտառուչ տողերով արձագանքեցին մամուլում։

Ահա նույն այդ «փորձիչ Նալբանդյանացեղ» մարդիկ ցանկանում են, չնայած սուլթանական և հայ ռեակցիայի մոլեգնությունը, 1867 թ. մարտ ամսին նշել Մ. Նալբանդյանի մահվան առաջին տարեդարձը։

¹ «Արևելյան դար», 1861 թ., № 24։

² Նույն տեղում։

³ Առաջավոր այդ մտածողների հետ Նալբանդյանի ունեցած կապերի մասին ավելի ընդարձակ տես՝ Ա. Մակարյան—«Մ. Նալբանդյանը և արևմտահայ դեմոկրատիան», Երևան, 1946 թ.։ Գ. Ստեփանյան—«Մ. Նալբանդյանի երկրորդ ուղևորության հետ կապված մի քանի հարցեր»։ Հայկական ՍՍՌ Գիտությունների ակադեմիայի «Տեղեկագիր», 1949, № 9։

Այդ մտքով խանդավառված էին ոչ միայն «Մեղվի» շուրջ համախմբված մարդիկ, այլև «Արևելյան թատրոնի» ռեժիսորական և դերասանական խմբից շատերը, որոնք դրանից մի հնգամյակ առաջ, 1861 թվի աշնանը, «Արևելյան թատրոնի» առաջին ներկայացման օրը, առիթ էին ունեցել լսելու Նալբանդյանի հոյակապ ճառը հայ թատրոնի մասին, ծափահարելու նրան, արժանանալու նրա գովասանքներին ու խրախուսանքներին:

«Մեղվի» շուրջ համախմբված այդ մարդիկ ինչ ծրագրով ևն ցանկացել հավերժացնել Նալբանդյանի հիշատակը: Ո՛ր սուլթանական ցենզուրայի պայմաններում է հնարավոր եղել հրապարակել տարեգրքը կազմակերպողների ծրագրերը, ոչ էլ Թիֆլիսի մամուլում ևն պահպանվել դրա արձագանքները: Պարզ է մի բան՝ նրանք ցանկացել ևն թատերական մի երեկո կազմակերպել:

Էսա երևույթին երկար նախապատրաստական աշխատանք է կատարվել: «Արևելյան թատրոնի» դերասան-դրամատուրգներից մեկը՝ Ռ. Սևտեֆճյանը, — որը 1861 թվի առաջին ներկայացման ժամանակ կատարել էր հուշարարի պաշտոն, — գրում է հատուկ մի ողբերգություն՝ «Վարդան, փրկիչ հայրենյաց» վերնագրով: Կոմպոզիտոր Տ. Չուխաճյանը գրում է երաժշտություն այդ ողբերգության համար:

Երեկոյի առաջին մասի ծրագրին է գտնում հիշյալ պիեսի բեմագրությունը:

Ներկայացումը տրվում է 1867 թվի փետրվարի 28-ին:

Երեկոն կազմակերպողները մամուլում հրապարակած իրենց հայտարարության մեջ զգուշացել ևն Մ. Նալբանդյանի անունը տալուց: Ահա այդ ներկայացման հայտարարությունը ամբողջությամբ:

«Թատրոնն Նաում

1867 փետրվ. 28 երեքշաբթի դիշ. ժամը 2-ին՝
փառավոր ներկայացում Ասիական ընկերության
հանգես ազգային

ՎԱՐԴԱՆ ՄԱՄԻԿՈՆՅԱՆ

փրկիչ հայրենյաց

Ողբերգություն երգախառն ի վեց արարվածս
Հեղինակություն՝ պ. Ռ. Սևտեֆճյանի
Երաժշտություն՝ պ. Տ. Չուխաճյանի

Միջերգ

Տաղերգություն ի Վիրգինիա Գարագաշյանի:

Վերջին տողը ուշադրավ է: Ի՛նչ տաղերգություն է, որ արտասանել է ապագա դերասանուհի, այդ օրերին տասնամյա Վիրգինե Գարագաշյանը: Ինչու չի հիշատակված արտասանվելիք ռուսաճորի անունը, ինչպես կատարվում էր առհասարակ: Դրա պատասխանը տալիս է նույն ներկայացման հաջորդ հայտարարությունը:

¹ Այսինքն՝ ժամը երեկոյան 8-ին:

Բանն այն է, որ երեկոն անցնում է արտակարգ հաջողությամբ, մեծ խանդավառությամբ առաջացնելով հատկապես երիտասարդության մեջ, որը պահանջում է կրկնել այն ամբողջ ծրագրով:

Երեկոն նախաձեռնողները՝ կազմակերպում են երկրորդ ներկայացումը, արդեն որոշակիորեն մամուլում գրելով, որ այն նվիրված է Միքայել Նալբանդյանի հիշատակին, ինչպես այդ երեկոն է հետևյալ հայտարարությունից.

«Հանդես ազգային: «Վարդան Մամիկոնյան»: Այս բնույթ և սրտագրավ ողբերգության առաջին ներկայացումը մեծ գոհունակությամբ ընդունվելով թատերասեր հասարակութենեն, այս իրիկուն, մարտ 11, ի խնդրոք ազմայինոց, երկրորդ անգամ պիտի ներկայացվի Նաումի թատրոնի մեջ, ավելի փառավոր կերպով, ի հիշատակ պ. Մ. Նալբանդյանցի, որուն վրա ալ նաև գեղեցիկ բանախոսություն մը և իր մեկ գողտրիկ տաղերգությունը պիտի արտասանվին Գարագաշյան օրիորդներեն:»¹

Պարզվում է, որ այդ «գողտրիկ տաղերգությունը» Նալբանդյանի «Երգ ազատության» բանաստեղծությունն է, որ արտասանել է Վ. Գարագաշյանը նախորդ և այդ ներկայացման ժամանակ:

Այստեղ, սակայն, ավելի կարևոր է Նալբանդյանի մասին արտասանված «գեղեցիկ բանախոսությունը», որի մասին հիշատակում է հայտարարությունը: Բանախոսություն արտահայտությունը գործածվում էր զեկուցում բառի փոխարեն: Ուրեմն, պարզվում է, որ այդ երեկո ոչ միայն արտասանվել է «Երգ ազատության» ոտանավորը, այլև տրվել է հատուկ զեկուցում, նվիրված Մ. Նալբանդյանի կյանքին ու գործունեությանը: Իսկ ով է եղել հիշյալ «բանախոսության» հեղինակը: Թվում է, թե պետք է լիներ «Մեղվի» խմբագիր Հ. Սվաճյանը, սակայն կան տեղեկություններ, որ այն գրել է Վարդան Մամիկոնյան, փրկիչ հայրենյաց պիեսի հեղինակ, դրամատուրգ Ռ. Սեռեֆյանը: Կասկածից վեր է, որ Հ. Սվաճյանը ակտիվ կերպով մասնակցել է ներկայացման կազմակերպմանը: Գուցե ինքն էլ գրել է բանախոսությունը, սակայն քաղաքական նկատառումներով իրեն պահել է վարագույրի հետևում, չֆնասելու համար «Մեղվին» ու նրա շուրջ համախմբված խկապես «Նալբանդյանացի» մարդկանց:

Որ Սվաճյանը ամենամոտիկ մասնակցություն ուներ «Արևելյան թատրոնի» գործերին, երևում է այն բանից, որ ինքն էլ գրել է մի պատմական ողբերգություն «Առանձար Ամատունի» խորագրով, որը մեծ հաջողությամբ բեմադրվեց նույն թվի հունվար ամսին: Ժամանակի թերթերը ջերմ տողեր են նվիրել դրան և այն համարել են աննախընթաց գործ, նորություն հայ դրամատուրգիայում: «Առանձար Ամատունի» ներկայացման օրն էլ մի գեղատի աղջիկ «Երգ մ'ալ» երգել է: Արդյոք այս ներկայացումը որևէ բանով կապվել է Նալբանդյանի անվան հետ, հիշյալ երգը արդյոք նույն «Երգ ազատության» չէ: Դժբախտաբար ոչինչ չի հասել մեզ այս մասին: Ինչ էլ լինի, ակնբախ է մի բան, որ Վարդան Մամիկոնյան «ներկայացման նախաձեռնությունը պատկանում է «Մեղվականներին», գուցե անձամբ Սվաճյանին:

Մեզ չի հասել արտասանված «բանախոսության» տեքստը:

Առայժմ անհայտ է մնում, թե «բանախոսության» հեղինակը Նալբանդյանի հասարակական-քաղաքական և գրական գործունեության որ կողմերն է արժեքավորել:

¹ «Մասիս», 1887 թ., մարտի 11:

Հայտնի է, որ Ռ. Սեռեֆճյանը պատկանել է հայ բուրժուազիայի լիբերալ սահմանադրական թևին: Նրա ստեղծագործություններից ոչ մեկը մեզ չի հասել, սակայն նույն այդ «Վարդան Մամիկոնյան» պիեսի մի տողը («Հայերն հայրենյաց համար մեռնիլ գիտեն, բայց միաբանիլ չեն գիտեր»), որի վրա ժամանակի մամուլը հատուկ ուշադրություն է դարձրել և մեջ է բերել այն, ցույց է տալիս, որ Սեռեֆճյանը եղել է նույն այն բուրժուական մտածողներից, որոնք՝ վեր հանելով հանդերձ հայ ժողովրդի անցյալի փառավոր էջերը, հայրենիքի պաշտպանության համար նրա մղած պայքարը, հայ ժողովրդի տառապանքի, դժբախտության պատճառը համարում էին անմիաբանությունը, առանց խորանալու, գնահատել կարողանալու դրա սոցիալական քաղաքական էությունը:

Ծիշտ է, պատմական տվյալ պայմաններում, երբ հայ ժողովրդի արևմբլտահայ հատվածը քաղաքական-ազատագրական պայքար էր մղում սուլթանիզմի դեմ, Սեռեֆճյանի և ուրիշների պիեսները կատարում էին դրական որոշ դեր, կոչ անելով կյանքի գնով պաշտպանել Հայրենիքը, — որի համար պիեսի վերոհիշյալ արտահայտությունը մեծ օվացիա է առաջացրել հանդիսականների մեջ, «ծափահարությունց ու գոռումներու արժանացել» — սակայն, այդ բոլորով հանդերձ, Նալբանդյանի մասին կարգացված հիշյալ գեկուցման գտած ընդունելությունը վկայում է, որ նա իր դադափառական բովանդակությամբ ու խորությունամբ շատ ավելի նշանակալից մի խոսք է եղել, քան կարող էր գրել չափավոր հայացքների տեր Ռոմանոս Սեռեֆճյանը: Ուստի հնարավոր է ենթադրել, որ այն գրել է «Մեղվի» խմբագիր Հ. Սվաճյանը:

Փաստն այն է, որ Միքայել Նալբանդյանի մասին արտասանված «բանախոսությունը» այնքան մեծ խանդավառություն է առաջացրել հանդիսականների մեջ, որ նրանք միահամուռ կերպով պահանջել են երրորդ անգամ կրկնել ներկայացումը, և որ ամենից կարևորն է, կրկնել չենց վերոհիշյալ «բանախոսությունը», որը աննախընթաց երևույթ էր պոլսական պայմաններում:

Հիշյալ հետաքրքիր ներկայացման երրորդ անգամ կրկնվելը հայտնող հայտարարության մեջ կարդում ենք.

«Վարդան Մամիկոնյան, փրկիչ հայրենյաց»¹ հատընտիր ողբերգությունը երրորդ անգամ պիտի ներկայացվի ապրիլ 6 հինգշաբթի գիշեր: Նաև ի հիշատակ Մ. Նալբանդյանցի հորինված ճառը վերստին պիտի ատենարանե օր. Ե. Գարագաշյան, առաջին դերասանուհին, ըստ խնդրանոց բազմաթիվ հասարակության»² (ընդգծումը մերն է. — Գ. Ստ.):

Ինչ-ինչ նկատառումով խումբը հնարավորություն չի ունենում իր հայտարարած օրը, այսինքն ապրիլի 6-ին կազմակերպել երեկոն, հարկադրված է լինում այն երկու օրով հետաձգել: Մամուլում այդ առթիվ տպված հայտարարության մեջ ասվում է, թե հետաձգվում է «օգին ավերվելուն պատճառով»:

¹ Ուշագրավ է, որ հետագայում Մ. Նալբանդյանի Թիֆլիսում և Երևանում հայտնաբերված արգելված նկարների վրա էլ եղել է «Մ. Նալբանդյանց, փրկիչ հայրենյաց» մակագրությունը: (Տես Ե. Նահապետի, Գիվան Մ. Նալբանդյանի, էջ 362):

² «Մասիս», 1867, մարտի 30:

Այդ նույն ներկայացման օրերին ձեռնարկվում է Նալբանդյանի նկարի և նրա «Երգ ազատութեան» ոտանավորի տպագրման գործին, այն մարդկանց պահանջով, որոնք ձեռքից ձեռք արտագրում, և բազմացնում էին «Երգը» և ցանկանում էին ունենալ նրա հեղինակի լուսանկարը: Ուստի, հնարավոր է ենթադրել, որ երեկոն հետաձգվել է ոչ թե «օգին ավրվելուն պատճառով», այլ գուցե ժամանակ շահելու համար, որպեսզի նկարի տպագրությունն ավարտվի և հնարավոր լինի բաժանել կամ ծախել ներկայացման օրը:

Մեր այս ենթադրությունը հաստատում է այն փաստը, որ նույն ապրիլի 6-ին, այսինքն երեկոյի հետաձգումը հայտարարված օրը, մամուլում հրապարակվում է մի «Ծանուցում», որտեղ կարգում ենք.

«Մոսկվայի «Հյուսիսափայլ» լրագրի նախկին խմբագիր հանգուցյալ Մ. Նալբանդյանցի լուսանկար պատկերը՝ որուն ներքև Ազատության վրա իր հորինած գողտրիկ երգը տպված է, երեք դուրուշ գնով կծախվի»:¹

Անկասկած նկարի տպագրությունը անմիջապես առնչվում է հիշյալ ներկայացման հետ և պատահական զուգահեռությունամբ չէ, որ այն տարածվել է նույն այդ օրերին:

Վերահիշյալ ծանուցումը ուշագրավ է նաև մի այլ տեսակետից. այն ցույց է տալիս, թե ինչպես հեռավոր Պոլսում «Հյուսիսափայլը» հայտնի էր Մ. Նալբանդյանի միջոցով, Նալբանդյանին էին ճանաչում պրոգրեսիվ մտածողները որպես այդ պարբերականի խմբագիր: «Հյուսիսափայլի» էջերից «Մեղուն» մեծ սիրով արտատպում էր Նալբանդյանի ստեղծագործությունները:

Թե Նալբանդյանին նվիրված երեկոն կազմակերպողները ինչպիսի մեծ նշանակություն են տվել այդ նախաձեռնությանը, երևում է նաև այն բանից, որ նրանք ցանկացել են ոչ միայն նոր և ինքնուրույն մի պիեսի բեմադրությամբ, Նալբանդյանին նվիրված հատուկ զեկուցումով նշանավորել այդ արժանահիշատակ օրը, այլև ներկայացմանն ու հանդիսավոր բաժնին մասնակից դարձնել լավագույն կատարող ուժերի: Դրա համար նրանք պիեսի բեմադրության համար հրավիրել են ժամանակի հայտնի գերասան-գերասանուհիներին, նաև մի քանի նոր այնպիսի ուժերի, որոնք նախորդ մի քանի ամիսների ընթացքում գրեթե չէին իրենց բեմական ընդունակությունները: Նրանց բեմական գործունեության սկիզբը կապված է Վարդան Մամիկոնյան» պիեսի բեմադրության հետ: Դրանցից են՝ Պետրոս Ազամյանը, Երանուհի և Վիրգինիա Գարագաշյան քույրերը, կոմիկ գերասան Գարեգին Ռշտունին: Սրանք, որոնք բոլորն էլ, որ հետագայում դարձան աչքի ընկնող գերասաններ, առաջին անգամ բեմ են բարձրացել վերահիշյալ պատմական ներկայացման ժամանակ:

Նալբանդյանի համախոհների և գաղափարակիցների կողմից Պոլսում 1867 թ. փետրվար ամսին կազմակերպված երեկոն, որը կրկնվել է սր քանի անգամ, կարևոր իրադարձություն էր և, հասկանալի է, որ չէր կարող չզբաղել սուլթանական կառավարության ուշադրությունը:

Գառավարությունը այդ ներկայացումից անմիջապես հետո փակում է Սր. Հեքիմյանի ղեկավարությամբ գործող «Արևելյան թատրոնը», ցրում

¹ «Մասիս», 1867, ապրիլի 6:

է խումբը, իսկ թատրոնի շենքը հանձնում է մի ֆրանսիական թատերախմբի: Այս մասին ժամանակի մամուլում չի գրված և ոչ մի տող: Շատ տասնամյակներ անց, — նույն թյուրքական խիստ գրաքննության պայմաններում տպված մի տարեցույցում հանդիպում ենք հիշյալ պատմական ներկայացման շատ հարևանցի նկարագրությանը: Այդ հոգվածում կարդում ենք.

«Այս ներկայացումը վերջինը կըլլա 1866—67-ի տարեշրջանին և վերջինը միևնույն ժամանակի վարչության տակ տրված ներկայացմանց: ...1867—68-ի տարեշրջանին Սր. Մանասյան կշարունակե վարել ֆրանսիական թատրոնի վերածված «Արևելյան թատրոնի» ֆրանսական խումբին տնօրենությունը»¹

Այսպիսով, 1867 թ. փետրվար-ապրիլ ամիսներին Պոլսում կազմակերպված այս ներկայացումը ուշագրավ երևույթ է նախնականի դադարական ազդեցության շրջանակները որոշելու տեսակետից, և հանդիսանում է հայ թատրոնի պատմության հետաքրքիր էջերից մեկը:



¹ Հնդարձակ տարեցույց, 1927 թ., էջ 281: